

## پہ امدادی جہدکاراں جنسی عملِ گرے داری رہبند

انسانی امداد پُجّارینوکیں جہدکار (سیلاپ، توپان ء شرتگ، زمین چنڈ، ڈُگال، جنگ زِدگ ء اے دِگہ مُسبیت ء آماچاں پہ مَدت ء کُمک پُجّارینوک) جنسی بدکاری ء بابت ء پابند کنگ بنت ء آچہ نوکری ء ہم کشگ بنت۔ امدادی جہدکار باید اِنْت اے رہبندانی سرا عمل بکن انت:

\* امدادی جہدکاراں اے اجازت نیست کہ آ 18 سال ء چہ کسترینے ء گون جنسی عمل ( یلے کہ آئی ء مُلک ء قانون 18 سال ء چہ کسترینے ء گون وِپت ء واب ء اجازت ء دنت) بکن انت۔ چُشپ عمل کنوک ء اے اُرر کہ "من نزانتگ کہ اے کسان عمرے"، ہچ وڑ ء منگ نبیت۔

\* امدادی جہدکاراں اجازت نیست کہ آ زَر بدنت ء کسے ء گون وِپت ء واب بکنت، یا زلورت مند ء مُہتاجیں مسبیت ء آماچاں نوکری دِیگ ء لالچ ء، حذمت کنگ ء بدل ء، امداد ء کُمک ء نام ء یا کہ زلوری این سامان ء آزاباں پُجّارینگ ء بدل ء وِپت ء واب بکنت۔ امدادی جہدکار چہ زلورت مندیں مسبیت آماچاں پہ چُشپ وعدہ ء قول ء قرارے ء لاچار مکنت کہ آئی ء بدل ء آہانی عزت پامال بوگ ء گمان ببیت۔ اشی ء تھا قہبگے ء گون زَر بدل ء وِپت ء واب ہم ہور اِنْت۔

\* ہما مردم کہ آیاں سامان یا امداد رسنگا انت آہانی سرا جہدکارانی اثر بیت ء چاگردے تھا جہدکارانی اہمیت ء حیثیت باز بیت۔ ہمیشکا انسانی امداد پُجّارینوکیں گل وتی جہدکاراں کڈن کنت کہ آ گون ہما مردُماں کہ آیاں امداد رسنگا اِنْت وِپت ء واب ء ہچ وڑ ء رتک ء ریچ مہنت۔ اے پیمیں جنسی عمل ء سبب ء امدادی کار غیر موثر بنت۔

\* اگاں امدادی جہدکارے شک بیت کہ آئی ء گل یا دِگہ امدادی گلے ء کُجام یک جہدکارے امداد رسانی ء کارانی تہے جنسی عمل ء گر ء داری رہبنداں پروشگا اِنْت، گڑا باید اِنْت کہ اے عمل ء رپورٹ کنگ ببیت ء امدادی گل جنسی عمل ء رہبندانی سرا عمل بکنائیں ایت۔

\* پہ امدادی جہدکارے آلمی اِنْت کہ آ یک آنچیں ماحولے جوڑ بکننت کہ چرائی ء ناپسندیدہ ء ناقابل برداشت جنسی تب ء مِل ء نَزیکی ء عمل ء دیما بندے بندگ ببیت ء گل ء ڈرائیں جہدکار ء نوکر جنسی زیادتی ء رہبندانی سرا کاربند بنت۔ ڈرائیں مینیجرانی زمہ واری اِنْت کہ وتی کارجاہاں آنچیں رہبند بہ ٹہین آنت کہ آ جنسی زیادتی ء دیما مُہکمیں ڈیوال بنت۔

جنسی زیادتی ء گر ء داری اصولانی بابت ء گیشتریں مالومداری (IASC) ء اے لنک ء دست کپنت:

[http://www.lswataskforce.org.uploads/tools/sixcoreprinciplesrelatingtosea\\_iasc\\_english.doc](http://www.lswataskforce.org.uploads/tools/sixcoreprinciplesrelatingtosea_iasc_english.doc)

اے رہند IASC ءٹاسک ٹیم ء مُسبب آماچیں مہلوک ء را چہ جنسی زیادتی ءرگینگ ء ہاترا  
سادگیں زبان ء ٹہینگ ء شنگ کتگ آنت۔